

左

通

補

釋

補釋廿二

起哀公十四年盡廿七年

左通一

錢塘梁履繩學

哀十  
西狩於大野解大野在高平鉅野縣東北大澤是也

四

西狩於大野解大野在高平鉅野縣東北大澤是也

獲麟堆在山東濟寧州嘉祥縣西二十五里春秋哀公十

四年西狩大野獲麟宗國都城記云鉅野縣東十一里澤

中有土臺廣輪四十五步俗謂之獲麟堆今在縣境

案鉅野縣

今屬曹州府鉅野澤在鉅野縣東五里志云澤東西百里南北

三百里亦曰大野禹貢大野既豬周禮職方其澤藪曰大

野爾雅十藪魯有大野是也

讀史方輿紀要三十三

叔孫氏之車子鉏商解車子微者鉏商名正義家語說此事

云叔孫氏之車士曰子鉏商王肅云車士將車者也子姓鉏

商名今傳無士字服虔云車車士微者也子姓鉏商名以子爲姓與杜異

車子鉏商春秋傳及家語並云車子鉏商與正義所引異而服虔以子爲姓非也今以車子爲主車車士微者之人也人微故略其姓則子非姓也

史記孔子系家索隱

小邾射以句繹來奔解句繹地名哀二年正義邾與小邾國竟相近句繹所屬亦無定準猶齊魯汶陽之田莒魯爭鄆之事一彼一此豈有常乎而劉炫以句繹爲小邾地而規杜非也

哀二年及邾子盟于句繹邾地當在今山東兗州府鄒縣東南境十四年小邾射以句繹來奔卽此

大事表七之二

使季路要我十五年解仲由子路

山東仲家淺廟碑文子路父名鳩子路生於泗水葬於開

州

案仲家淺屬濟寧州泗水縣屬兗州府

劉氏廣陽雜記

仲由字子路卞

人也

史記仲尼弟子列傳

家語一字季路亦云是卞人

又索隱

諸御鞅解鞅齊大夫

鞅名也爲僕御之官故曰御鞅亦田氏之族案系本陳桓

子無宇

見襄六

產子亹亹產子獻獻產鞅也

史記齊世家家索隱

子我盟諸陳於陳宗

正義

陳宗陳氏宗主謂陳成子也

服虔曰陳宗宗長之家

史記齊世家家集解

陳豹解豹亦陳氏族

陳豹字子皮文子之孫

文子春秋見襄廿三分記世譜二

使公孫言已

賈逵曰公孫齊大夫也

史記齊世家集解

望視解目望陽

獻縣紀昀曰案晏子諫上篇杜局望羊待于朝莊子秋水篇耽洋向若而歎陸德明曰耽莫剛反本亦作望洋司馬崔云耽洋猶望羊仰視貌案史記孔子世家眼如望羊王肅曰望羊視也左氏傳曰望視杜注目望陽蓋仰則向明故曰望陽羊陽古字通用歐陽尚書漢熊君碑作歐羊是也或解爲如羊之望者非

彼得君弗先必禍子

服虔曰彼謂闕止也子謂陳常也

史記齊世家集解

子行舍於公宮解子行逃而隱於陳氏今又隱於公宮

服虔曰止於公宮爲陳氏作內間也

史記齊世家集解

陳豹之事

闢止陳逆之隱公宮皆成子之謀也自古姦臣竊國必密置私人爲內間然後其計得行闢止寵豹正墮成子術中逆復在宮則成子出入皆無所忌簡公動息無不知而可以弄之於股掌之上矣

讀左日  
鈔十二

成子兄弟四乘如公解成子之兄弟昭子莊簡子齒宣子夷

正義及史記索隱引世本作其夷

穆子安廩丘子意茲

正義引世本作懿茲索隱引作稟丘子尚

芒子盈子芒盈

惠子得凡八人

乞

僖子莊昭

桓子

子

子

子

子

子

子

得

惠子

春秋

譜二

詳見駁證及訛說

公與婦人飲酒于檀臺

在青州臨淄縣東北一里

史記田完世家正義

大史子餘

服虔曰齊大夫

史記齊世家集解注六惠氏補

子餘陳氏黨爲太史

通志注六

殺諸郭關解齊關名

齊郭門也

春秋地名  
攷略三

成子將殺大陸子方解子方子我臣

東郭氏姜姓齊公族桓公之後也

本襄廿五年齊大夫東郭書見

左傳定九又大陸子方號東郭賈此年傳

大陸氏姜姓齊太公

之後食邑陸鄉因號大陸氏

通志氏族略三

何以見魯衛之上

服虔曰子方將欲奔魯衛也

史記齊世家集解

陳恆執公于舒州

賈逵曰陳氏邑也

史記齊世家集解

齊邑薛縣是也

史記田完世家集解系家索隱舒

州今山東兗州府滕縣東南薛城是案春秋末薛尚存當是齊侵其近郊之地別置舒州以封陳氏耳

大事表七之一

五月庚申朔日有食之

庚申歲

春秋感精符曰魯哀公時政彌亂絕不日食政亂之類當致日食之變而不應者譴之何益告之不悟故哀公之篇絕無日食之異

後漢書明帝紀注

今歷推之是月庚申朔加時在

晝交分二十六日九千二百一分入食限

元史歷志二

案哀

公在位一見日食乃史官失載耳緯書之言不可深信

告皇野曰解皇野司馬子仲

仲野司馬世族譜瑗昆弟

皇瑗見哀七年春秋分記世譜三

逢澤有介麇焉解地理志言逢澤在滎陽開封縣東北遠疑非正義土地名宋都睢陽計去開封四百餘里非輕行可到故杜以遠疑非也蓋於宋都之旁別有近地名逢澤也

蓬澤

案元和郡縣志作蓬澤

去宋遠或曰逢猶遇也澤卽宋之孟諸

讀史方輿紀要四十七

嘗私焉解嘗試也

陸云言己嘗與左師私晤傳曰樂盈佐魏莊子於下軍獻子私焉愚謂杜說是也上云君憚告子野曰試私告焉其文甚明陸以他傳句一之誤矣

誤下傳氏辨

司馬牛字子耕牛桓魋弟也

司馬耕字子牛

史記仲尼弟子列傳

牛宋人弟子

論語顏淵注

案皇氏義疏犁牛名也倉頡廟碑陰云司馬犁子牛戰國趙策吳師道注亦然愚謂論語左傳並稱司馬牛則牛是其名犁其字史傳以耕爲名者蓋因冉耕字伯牛而誤也

陶宗儀輟耕錄二十二載張孟兼弟子章句作司馬犁耕非

公文氏攻之解公文氏衛大夫

衛之公族公文氏

潛夫論志氏姓

公文氏以字爲氏衛大夫公文

要見哀廿五通志氏族略三

阮氏葬諸丘輿解泰山南城縣西北有輿城

魯丘輿在山東沂州府費縣西

春秋輿圖

齊陳恆弑其君壬于舒州孔丘三日齊而請伐齊三公曰魯爲齊弱久矣子之伐之將若之何對曰陳恆弑其君民之不與者半以魯之衆加齊之半可克也

顧棟高孔子請討陳恆論曰嗟乎此誠知已知彼乘機赴會足徵大聖人經濟不外尋常理勢之中而子程子顧紬之謂如是是以力不以義孔子之所以勝齊者特其餘事耳豈計魯人之衆寡嗚呼此言殆失之矣夫興師討罪兵凶戰危必計出萬全而後可舉事若不計其力之不能則如王亥謨之伐魏韓侂胄之伐金何嘗不名正言順而卒喪師辱國蹙地千里若謂名其爲賊無憂不服則如漢翟義之討新莽唐徐敬業之討武氏海內翕然稱義舉終於

家族誅夷又其甚者董承伏完之於曹氏毒流帝后漢祚  
旋移是皆無益於事而禍敗隨之是以君子必審計利害  
而不忍輕以民命爲嘗試也且其言曰上告天子下告方  
伯此尤迂緩不識時務之論夫陳氏之愚其民久矣獨當  
驟弑簡公人心惶駭齊之義士尚有挾公憤而思食其肉  
者簡公之人尚有念故君而欲報其讎者故其道可急取  
不可緩圖宜獨斷不宜牽制必若告於天子方伯無論周  
天子守府而當日之方伯則晉也且聽命於韓趙魏與陳  
氏脣齒耳告之萬萬無益而周晉去魯俱二千餘里往返  
動羈時日徒令陳氏得以其間收合人心誅鋤異己雖復  
討之勢必不克且程子之謂告之者豈謂其真能命將興

討罪之師乎抑明知其不可而姑告之以爲名乎不知其不可是愚也明知其不可而姑告之是僞也曾謂大聖人而出此然則孔子之志宜柰何曰魯之兵權在三子三子之兵權在家臣觀陽貨弗擾且能以其衆畔而冉有季路獨不可出其兵以仗義討賊乎孔子能使仲由墮費墮郈而三子靡然聽從豈孔子當日奉魯君之命命家臣出其卒而三子敢或梗令乎誠得哀公一言聽許委夫子以兵權悉魯國之甲使家臣將之此時子路雖仕衛而冉有自任也加以樊遲有若皆果銳之士聲罪致討吾知四鄰諸侯必有聞風響應而齊之甲士且倒戈來迎縱不能梟陳桓之首亦當誅其推刃於齊君者而更定齊嗣如此則國

威可振周道可興夫豈空言而不可見諸實事者哉宋儒以力爲譁而但執正誼不謀利之說謂事第當揆於義不論其力之能不能如此則書所謂同力度德孔子好謀而成非矣孔明之成敗利鈍非所逆覩蓋謂其謀出萬全至

事之萬有一失則聽之天耳夫豈僥幸以嘗試者哉余向惡夫世之詆訾宋儒者至先生此論心竊疑其有未然故

備論之

大事表  
四十五

五  
袁士  
成叛于齊

至是而成亦叛所謂五世希不失

義門讀書記

及桐汭解宜城廣德縣西南有桐水出自白石山西北入丹陽湖

桐水在今江南安徵廣德州西北二十五里源出州南白石

山西北流經建平縣界

案建平縣屬廣德州

又西入宣城縣界

案宣城縣

屬寧國府匯于丹陽湖入大江南畿志古郡名曰桐川曰桐汭

大亨表

陳侯使公孫貞子弔焉

司城氏公孫貞子哀公孫

案陳哀公溺見昭八杜氏世族譜

案孟子云

司城貞子爲陳侯周臣趙注陳侯周陳懷公子也史記陳杞世家立懷公之子越是爲潛公索隱云案左傳潛公名周是史官記不同愚攷此年正當潛公在位之時特左氏無名周之文疑有譌字據譜陳亦有司城司城本宋官春秋列國官名互相襲用如楚陳並有司敗宣四年傳及論語宋鄭

衛並有褚師

襄廿年昭二年又廿年

之類卽如本傳上介莘尹本楚

官名也若司城曹與鄭皆有之

哀七年傳又史記鄭世家云鄭司城繢賀而孟

子集注遂以司城貞子爲宋大夫之賢者愚謂宋司城乃

世卿自襄公九年樂喜爲司城以爲政至哀廿六年樂茂

爲司城貞子以陳之公孫未必能居是職而閻氏四書釋

地謂本爲宋卿由宋而流於陳今爲陳臣未免迂曲

且臣聞之曰事死如事生禮也

禮記祭義曰文王之祭也事死者如事生思死者如不欲

生中庸曰事死如事生事亡如事存孝之至也此傳又引

之蓋古禮經之文

周氏附論

於是乎有朝聘而終以尸將事之禮解朝聘道死以尸行事

男子以車爲居以弓矢爲器故其生也柔弧蓬矢以射天

地四方其死也設決麗于擊

見儀禮

士喪禮

比葬則弓矢之斬洁

功有彌飾焉亦張可也

見既夕禮記

以射者男子之事也如死

於道則升其乘車之左轂以其緩復

見禮記雜記上

以車者男子

之居也升車必正立執綏

徐鉉曰綏者所執繩

之總以其緩復者象其

行也象其行所以達其志也於是又有朝聘而終以尸將事

之禮矣

日知錄六

又有朝聘而遭喪之禮若不以尸將命是遭喪而還也無乃不可乎

解遭所聘之喪

吳人不欲以尸入惡其凶也故以不許奉尸將命則是吳人先以凶禮自處折之

義門書記讀

伐晉冠氏解冠氏陽平館陶縣

冠氏晉邑隋分館陶東界析置冠氏縣今山東東昌府冠

縣北有冠氏故城

大事表  
七之三

因與衛地自濟以西禚媚杏以南書社五百解二十五家爲一社籍古而致之

言以南則是割三邑之南境以與衛非全致也

春秋地名  
攷略三

集注引荀子仲尼篇與之書社三百而富人莫之敢距以證  
駢邑三百而三百字爲數方明蓋孔子世家索隱曰古者二十五家爲里里各立社書社者書其社之人名於籍楚以七百里書社之人封孔子也則書社三百乃七千五百家爾朱子疑七百里恐無此封理不知里也社也一也二

十五家耳七百二十五家乃萬七千五百家非如古者路  
程以三百步爲里之里四書釋地案晏子內篇雜下云桓公  
以書社五百封管仲五百二十五家乃萬二千五百家也  
餘見定九年

寡君是以寒心

高氏戰國策秦注曰寒心懼也

惠氏補注六

衛孔圉解孔文子也定四年解孔羈孫

孔廣弒曰昭七年傳孔烝鉏之曾孫圉公羊定四年經作  
孔圉論語作仲叔圉仲叔蓋其字人表作中叔圉

閏月

哀公十五年辛酉十二月閏庚戌小

杜氏經傳長歷大事表二之四云上案

有冬及齊平知  
爲閏十二月

二人蒙衣而乘解二人大子與良夫蒙衣爲婦人服也

服虔曰蒙衣爲婦人之服以巾蒙其頭而共乘也

史記衛世家集

解案成十七年齊慶克與婦人蒙衣乘輦亦當如是解

適伯姬氏

服虔曰適伯姬所居

史記衛世家集解

孔伯姬杖戈而先

服虔曰先至孔悝所居

史記衛世家集解

遂劫以登臺

服虔曰於衛臺上召衛羣臣

史記衛世家集解

召獲駕乘車解召獲衛大夫駕乘車言不欲戰

服虔曰駕乘車不駕兵車也言無距父之意

史記衛世家集解

遇子羔將出

解

史記弟

鄭玄曰衛人

又集解

家語云齊人

又正義

高柴字子羔

史記列傳

鄭玄曰衛人

又集解

家語云齊人

又正義

柴氏姜姓齊文公子高之後高孫傒以王父名爲氏十代孫高柴仲尼弟子

通志氏族略四

案哀十七年稱季羔植弓季

子臯注或氏季正義云高是其正氏以身處季少故以字

爲氏而稱季若子游稱叔氏仲由稱季路皆其例也

此傳季路

又正義以子臯爲鄭人未知所據疑有譌字餘詳攷

異

弗及不踐其難

解言

政不及己可不須踐其難

賈逵曰言家臣憂不及國不得踐履其難

史記衛世家集解

食焉不辟其難解謂食孔氏祿

服虔曰言食悝之祿欲救悝之難此明其不死國也

史記衛世

家集解

公孫敢門焉

服虔曰公孫敢衛大夫

史記衛世家集解

斷纓

纓冠綾也

史記衛世家正義

由也死矣

以子路忠而好勇必知其死難

禮記檀弓上正義

孔悝立莊公解莊公蒯聵也

蒯聵之謚史與左氏同而人表作簡公豈有二謚歟

史記志疑

先謂司徒瞞城曰

風俗通云荆蠻之後本姓蠻音譌遂爲瞞氏左傳有司徒  
瞞成通志氏族略二案下年經書子還成杜云卽瞞成蓋子還  
其氏瞞其字如上高柴亦氏季之類

夏四月己丑孔丘卒解魯襄二十二年生至今七十三  
也四月十八日乙丑無己丑五月十二日日月必有誤  
釋文本或作魯襄二十三年生至今七十二則與史記孔子  
世家異此本非也

左氏春秋不書孔子之生公穀俱書於襄公二十一年然  
公羊書十有一月庚子孔子生於是年之末穀梁書庚子

孔子生於十月之後微有不同而史獨稱二十二年生

通史

申左篇譏劉向七錄曰列子書論尼父而從公穀者索隱云生在鄭穆之年以後爲先曾無所疑

外紀黃氏日抄及宋濂孔子生卒歲月辨之類也

隸釋邊韶老子

銘以孔子生於周靈王廿年亦從公穀若索隱言史誤以前月並無以前月屬後月周正十一月第能爲夏正九月末聞倒而爲夏正之正月者

從史記者杜

注左傳襄世拾遺記續博物志古史大紀路史朱子論語

序說通鑑前編餘姚黃宗羲南雷文約之類也二十一年

是己酉

何休云乙卯誤

二十二年是庚戌當從史記爲的其徵有

三襄二十一年日食必非生聖人之歲一也公穀皆口授公羊著於漢景之時穀梁顯於漢宣之代歷世既久寧得無譌二也杜注哀十六年傳云仲尼至今七十三五代史

記馮道傳道卒年七十三時人皆謂與孔子同壽則非七十四可知三也困學紀聞兩存其說以爲不可攷闡注亦從史

索隱深悼孔子生年莫定致壽數不明殊不然矣

三國志誰周傳

孔子七十二而沒家語終記時年七十二豈以孔子爲襄二十三年生乎謬甚

若生月必當從穀

梁在十月以長歷推之是年十一月無庚子況三傳經文

於十月旣書庚辰朔則庚子應在十月儻作十一月則一

月祇二十日大不可通且陸氏公羊釋文曰上有十月庚

辰此亦十月一本作十一月又本無此句是知公羊傳寫

鴻異非灼然可據者至生日必庚子無疑不但公穀書之

南齊書臧榮緒以宣尼生庚子日陳五經拜之固確證也

綜而論之年宜依史記月宜用穀梁日則庚子

案長歷襄公二十二

則庚戌十月甲戌朔大路史餘論定爲八月二十七日孔子生又引五行書謂生庚戌年二月二十三日甲申時斯不足辨爾孔子之卒則於壬戌四月乙丑日史公依春秋作己丑經史問答四日問史記孔叢皆作己丑與左氏合則恐是長歷之謬吳程以大衍歷推之乃四月十一日不知誰是荅前二年五月庚申朔是左氏所紀哀十四年五月食下距是年四月中間當有一閏案鄭注上帝立天也加以五號故爲六天閏十二月以庚申朔遞推之是年四月朔爲戊申是四月十八日乙丑也若四月十一日乃戊午杜氏似不謬朱濂亦云戊申朔史記志疑二十五

旻天不弔案鄭注上帝立天也仁覆閔下故稱旻天

異義天號等六

案鄭注上帝立天也加以五號故爲六天

今尚書歐陽說曰春

日昊天夏曰蒼天秋曰旻天冬曰上天總爲皇天爾雅亦然故尚書說云天有五號各用所宜稱之尊而君之則曰皇天元氣廣大則稱昊天仁覆懃下則稱旻天自上監下則稱上天據遠視之蒼蒼然則稱蒼天謹案尚書堯命羲和欽若昊天總勑四時知昊天不獨春春秋左傳夏四月己丑孔子卒稱旻天不弔時非秋天玄之聞也爾雅者孔子門人所作以釋六藝之文言蓋不誤矣案詩系雜正義曰爾雅春爲蒼天夏爲昊天歐陽說春爲昊天夏爲蒼天鄭旣言爾雅不誤當從爾雅而又從歐陽之說以春昊夏蒼者鄭爾雅與孫郭本異故許慎旣載今尚書說卽言爾雅亦云明見爾雅與歐陽說同春氣博施故以廣大言之夏氣高明故以遠言之秋氣或殺或生故以旻天言之冬氣閉藏而清察故以監下言之皇天者至尊之號六

藝之中諸稱天者以己情所求言之非必正順於時解浩  
浩昊天求之博施蒼天蒼天求之高明昊天不弔則求天  
殺生當得其宜上天同雲求天之所爲當順於時此之求  
天猶人之說事各從主耳

周禮大宗伯疏

餘詳攷異

### 尼父

王肅曰父丈夫之顯稱也

史記孔子世家集解

生不能用死而誄之非禮也稱一人非名也舞天子稱一人  
非諸侯之名

不弔昊天節南山也不憇遺一老俾守我王十月之交也  
嫗嫗在疚閔予小子也哀公顧亦集詩言而謳之乎故曰  
稱予一人非名也變仲言父非字謚也

路史發揮五

案據此

說乃集詩之祖

衛侯飲孔悝酒於平陽

解東郡燕縣東北有平陽亭

今河南衛輝府滑縣東南有韋城韋城南有平陽城案下文使貳車反祏於西圃注云孔氏廟所在則平陽蓋孔氏之宗邑

大事表七之二

重酬之大夫皆有納焉醉而送之夜半而遣之

蒯聩之入在魯哀公十五年冬其事本出渾良夫所爲至次年六月卽逐悝母子醉而送之重酬之大夫皆有納所作鼎銘或者重酬之一端然本注以公曰爲蒯聩所言以叔舅爲尊稱孔悝殊未允當案孔圉娶蒯聩之姊而生悝則蒯舅而悝甥也又非天子稱異姓諸侯之比何至以叔

舅稱之又哀十六年經書正月己卯朔臘自戚入于衛以歷推之六月乃丁未十一日丁巳二十一日丁卯亦無六月丁亥日祭統篇末魯人謗魯之言不自知其妄此鼎銘亦妄也

熊氏經說六  
鑑外紀目錄亦以六月無丁亥爲疑

案困學紀聞五州通

五州通

使副車反祐於西圃正義解使副車還取廟主西圃孔氏廟所在祐藏主石函少牢饋食大夫之祭禮其祭無主鄭玄祭法注云惟天子諸侯有主祐祫大夫不祐祫無主耳今孔悝得有主者當時僭爲之非禮也鄭玄駁異義云大夫無主孔悝之反祐所出公之主耳

天子有虎賁習武訓也諸侯有族賁禦災害也大夫有貳車備承事也士有陪乘告奔走也

國語魯語下

五經異義曰主

者神象也孝子既葬心無所依所以虞而立主以事之唯天子諸侯有主卿大夫無主尊卑之差也卿大夫無主者依神以凡筵故少牢之祭但有尸無主或曰卿大夫上有主否荅曰案公羊說卿大夫非有土之君不得祫享昭穆故無主大夫束帛依神士結茅爲載幨據春秋左氏傳曰衛孔悝反祫於西圃祫石主也言大夫以石爲主案太平儀部十引五經異義曰謹案大夫以石爲主禮無明御覽禮文大夫上無昭穆不得有主今山陽民俗有石主鄭駿云少牢饋食大夫祭禮也束帛依神特牲饋食士祭禮也結茅爲叢鄭志張逸問許氏異義駿衛孔悝之反祫有主者何謂也荅云禮大夫無主而孔獨有者或時末代之君賜之使祀其所出之君也諸侯不祀天而魯郊諸侯不祖

天子而鄭祖厲王皆時君之賜也徐邈云左傳稱孔悝反  
祏又公羊大夫聞君之喪攝主而往注義以爲斂攝神主  
而已不暇待祭也皆大夫有主之文大夫已下不云尺寸  
雖有主無以知其形制然推義謂亦應有案喪之銘旌題  
別亡者設重於庭亦有所憑祭必有尸想像乎存此皆自  
天子及士並有其禮但制度降殺爲殊何至於主唯侯王  
而已禮言重主道也理重則立主今大夫士有重亦宜有  
主以紀別座位有尸無主何以爲別將表稱號題祖考何  
可無主今案經傳未見大夫士無主之義有者爲長通典  
大夫三廟士一廟使其無主則祭於寢足矣廟何爲者祔  
之言附也以主升附也士虞禮以其班祔喪服小記祔必

以昭穆亡則中一以上使其無主又何所憑以班昭穆乎  
許氏曰大夫束帛依神士結茅爲蘊此不根之辭以臆刲  
之者也經不明言有主亦不言無主也檀弓重主道也商  
主綏重焉周主重徹焉並非指天子諸侯爲說也則大夫  
士宜有主者一孔子曰祭祀之有戶也宗廟之有主也示  
民有事也以此坊民民猶忘其親亦非專指天子諸侯也  
則大夫士宜有主者二徐邈所引左氏其義甚長而許氏  
顧駁孔悝反祏之舉以爲出於時君所賜吾不知其何據  
也陳祥道曰重主道大夫士有重戶神象大夫士有戶大  
夫去國載祏孰謂大夫士無主乎見禮書七十斯可以闡鄭許  
之妄矣然則廟主之制宜何如案重鑿木爲形如札士三

尺卿大夫五尺諸侯七尺

見士喪禮注疏

謂未葬未有主故以重

當之是則主制雖無考其脩短宜略與重彷可知也又有

謂天子主長尺二寸諸侯一尺

詳僖冊三

大夫士而下當以次

殺云

汪氏堯峯文鈔六

使處吳竟爲白公

解白楚邑也汝陰襄信縣西南有白亭

案史記楚世家子西召勝於吳爲巢大夫號曰白公是也

巢今廬州府巢縣襄信縣東漢屬汝南郡晉屬汝陰郡今

息縣東有白城

案息縣屬河南光州

東北七十里有襄信城

春秋地名攷略

九 案楚語靈王虐白公子張驟諫此先勝而爲白公者

蓋楚縣與吳接壤故息縣東北界安徽潁州府之霍丘縣

巢縣本吳橐皋地

哀十

土地名以爲楚地愚謂魯與吳會

不得在楚疑巢在吳楚界上於楚爲巢於吳爲橐臯此時  
巢已入吳詳文卽有餘地偏近於吳故傳曰處吳竟史曰  
爲巢大夫解者乃謂勝本習吳因以楚之縣公出居吳地  
無是理也

市南有熊宜僚者

市南宜僚司馬云熊宜僚也居市南因爲號也李云姓熊  
名宜僚淮南主術訓注子山木篇釋文同莊楚國先賢傳曰熊宜僚楚人  
也隱居市南不屈於時初學記居處部

吳人伐慎解汝陰慎縣也

今江南安徵潁州府潁上縣西北有慎城水經注潁水逕慎  
縣故城南縣故楚邑白公所居以拒吳是也

大事表  
七之四

扶豫章以殺人而後死

豫章大木

豫章卽樟木也

後漢書王符傳注

淮南子

脩務調

曰豫章之生七年

可知延叔堅曰豫章與枕木相似須七年乃可別耳枕音

尤

文選嵇叔夜養生論注

聞其殺齊管脩也而後入解管脩楚賢大夫故齊管仲之後

陰識其先出自管仲管仲七世孫脩自齊適楚爲陰大夫

因而氏焉

後漢書陰識傳

傳子曰昔田氏有齊而管氏去之或適

魯或適楚

三國魏志管寧傳注

而以王如高府解楚別府

蓋楚府庫之名如魯有長府鄭有襄庫其地必高大嚴固  
儲備兵粟者也呂氏春秋分職篇曰葉公入乃發太府之貨

子衆出高廟之兵以賦民淮南子泰族曰闔閭伐楚五戰入郢燒高府之粟是也尚靜齋經說

圉公陽穴宮解公陽楚大夫

圉姓左傳楚有圉公陽廣韻圉

王孫燕奔穎黃氏解穎黃吳地

穎黃在江南安徽寧國府宣城縣境春秋輿圖

使寬爲司馬解子期之子

公孫寬哀十亦曰魯陽文子

見楚語下

亦曰魯陽公

見楚語下注淮南覽

莫訓及注傳姓名同異攷二

衛侯占夢嬖人

案周禮占夢有中士二人

大事表十

公曰諾哉

蘇氏曰諾哉者口諾而心不然也偷哉者亦有味其言矣  
其心猶有所不可也

王天與尚書纂傳三下

哀十

紫衣狐裘

解

紫衣君服

正義

賈逵云然杜從之

云云

紫間色也

案文選別賦注引環濟要略曰  
間色有五紺紅縹紫流黃也

孔子惡其奪朱

周衰諸侯服紫玉藻云玄冠紫綾自魯桓公始管子云齊

桓公好服紫衣齊人尚之五素易一紫

案今管子無此文  
疑在亡篇內韓非

子外儲左上篇詳載此事作五素易一  
紫文選任昉策秀才文注引作十素

鄭康成以紫綾爲

宋王者之後服賈逵杜預以紫衣爲君服皆周衰之制也

國學紀聞五據玉藻大夫士狐裘黃衣以褐之錦衣狐裘諸侯

之服今以紫衣爲褐乃時君所尚故云僭依禮於良夫宜

衣黃衣也

周氏附論

吳子御之笠澤夾水而陳

牽山去太湖三十餘里東則松江出焉上承太湖更逕笠澤在吳南松江左右也國語曰越伐吳吳禦之笠澤越軍

江南吳軍江北者也

水經注

太湖北在江南蘇州府西南三十里

常州府東南百里浙江湖州府北二十八里其瀕湖之縣曰吳縣吳江武進無錫宜興烏程長興縱廣三百八十三里周回三萬六千頃或謂之震澤或謂之具區或謂

之笠澤或謂之五湖職方浸五湖越語越興師伐吳至於

五湖史記河渠書於吳則通渠三江五湖

又見吳世家及自序

是也

山海經注謂之三山湖又謂之洞庭湖

案越語上敗吳於圓注云圓笠澤也

越子爲左右句卒使夜或左或右鼓譟而進吳師分以御之  
越子以三軍潛涉當吳中軍而鼓之吳師大亂遂敗之  
句卒鈞伍相著別爲左右屯左右句卒爲聲勢以分吳軍而三  
軍精卒并力擊其中軍故得勝也

句卒是於三軍之外別爲左右偏師以亂其耳目而分其  
兵力使敵不虞三軍之擣其中堅此所謂奇兵也

大事表十四

劉寅曰形人而我不形則我專而敵分我專敵分則我衆  
敵寡能以衆擊寡則我之所與戰者彥約矣我之戰地不可  
知不可知則敵所備者多敵備多則我所與戰者愈約矣  
李靖曰越伐吳以左右二軍鳴鼓而進越分兵潛涉襲敗

吳師此變客爲主之驗也姬澹遠來伐石勒勒遣孔萇逆擊之萇退澹來追勒以伏兵夾擊大敗之此變勞爲佚之驗也古人如此取勝者多

讀左日  
鈔十二

太子又使栎之舞栎訴父欲速得其處

傅遜曰觀蒯曠輒疾之事人道幾絕矣夫子何以有正名之說余謂蒯曠欲殺南子出於羞忿與篡弑者稍殊且靈公未有廢之之命也何不可以君國設已廢則輒豈獨得立乎若夫子爲政當使輒以國讓父而身爲太子蒯曠雖不仁得國於輒必不廢之而立疾其事甚易而子路以爲

迂何也

讀左日  
鈔十二

齊國觀國書之子

觀子高父

成伯  
分記世譜二

案檀弓成子高注齊大夫國

成伯高父也正義引世本懿伯生貞孟貞孟生成伯高父國書之謚不見於傳疑懿伯爲書謚貞孟當卽國觀之謚貞與悼略相狀或轉寫有誤

國子賓執齊柄

齊召南曰此時陳氏專齊久矣如此文所云則國氏尚爲上卿但政權一歸陳氏耳高無平於十五年奔北燕於二十三年又帥師御晉師則高氏亦仍爲上卿矣左傳  
考證

與左史老

子裨楚申公史老也

國語上注

觀子父

楚大夫觀氏觀丁父觀起

襄廿

觀從

昭十三

觀射父

楚語下

觀瞻

哀十  
八

案急就篇注觀夏之同姓諸侯也周滅之後因

而氏焉晉有觀虎

定三  
萬氏族略

案通志氏族略二云觀氏

去聲又平聲陸氏並不岀音當如字讀詳見襄傳古音

彭仲爽申俘也文王以爲令尹

楚大夫彭氏彭仲爽彭名

宣十  
二

彭生

昭四

案鄭語彭姓祝融

之後故楚有之

萬氏族略

彭仲爽爲令尹當在關祁之後子

元之前楚令尹見傳者二十有八人唯仲爽申俘餘皆王

族也

大事表十

沈尹朱

汪繩祖曰淮南人間訓云太宰子朱侍飯於令尹子國下

文改卜子國爲令尹此沈尹朱卽子朱後復爲太宰之官

餘詳文三年

見人登昆吾之觀解衛有觀在古昆吾之虛今濮陽城中

帝王世紀曰顓頊自窮桑徙商丘左傳曰衛顓頊之墟昭

七杜預曰帝王昆吾氏因之故曰昆吾之墟縣城內有顓

頊冢見土地名及昭十七年解皇覽曰冢在城門外廣陽里中續漢書

三注今直隸開州案州屬大名府東二十五里有古顓頊城城中有

古昆吾臺相傳夏昆吾氏所築春秋地名

如魚鏡尾解鏡赤也魚勞則尾赤正義鄭衆以爲魚肥則尾

赤方羊遊戲喻衛侯淫縱

釋器云再染謂之賴

案考工記鍾氏注引作再染謂之鏡釋文鏡勑貞反本又作經亦作賴

郭云魚赤也。鯈魚之尾不赤故知勞則尾赤。毛傳鄭左箋同 賢達曰如魚鯈尾衡流而彷彿鄭氏云魚肥則尾赤以喻刪曠溼縱不同者此自鯈魚尾本不赤赤故爲勞也。鄭以爲彼言彷彿爲魚肥不指魚名猶自有肥而尾赤者服氏亦爲魚勞詩汝墳  
正義

公登城以望見戎州

解戎邑

賈逵曰戎州戎人之邑

史記衛世家集解

隱二年公會戎于潛杜

預云陳留濟陽縣東南有戎城濟陽與衛相近故莊公登

臺望見戎州

案呂氏春秋慎小篇作登臺

又七年云戎伐凡伯于楚丘

是戎近衛

又索隱

初公自城上見己氏之妻髮美使髡之以爲呂姜髢解髢

也

古者或劓賤者刑者之髮以被婦人之紛爲飾因名髮髢  
焉此周禮所謂次也

儀禮少牢饋食禮注衛莊公登城望戎州見己

氏之妻髮美使髡之以爲呂姜髢是其取賤者髮爲髢之事也周禮追師云掌王后以下副編次鄭彼注副首飾若今步搖編編列髢爲之若今假紛次次第髮長短爲之所

謂反髢

又疏

公會齊侯盟于蒙齊侯簡公弟平公敖也蒙在東莞蒙陰縣西故蒙陰城也

釋文杜氏上平公敖如字一本作驚

魯地蒙地名晉志蒙陰縣屬琅邪國太康中始置東莞郡蓋蒙陰初置時嘗屬之也其復置之處已非舊地故以

漢縣爲故城

漢屬泰山郡  
春秋地名攷略三

春蒙在山東沂州府蒙陰縣

東十里

春秋  
輿圖

孔廣栻曰齊系家索隱云驚系本及譙周

皆作敬蓋誤也案敬敖相似而譌耳

衛石魋石曼姑之子

石曼姑

懿子  
妻三

石買孫

買見義  
十七

石魋昭子

杜氏世  
族譜

而尊其兄鄭般邑以與之

說文曰鄒宋地也讀若讖蓋般采邑

惠氏補  
注六

哀十  
八觀瞻曰觀瞻楚開卜大夫觀從之後

觀氏從

伯子賄  
春秋分記  
世譜五

寢尹工尹勤先君者也每相舉之役寢尹吳由予以背受戈  
工尹固執燧象奔吳師皆爲先君勤勞

定四年傳王寢盜攻之以戈擊王王孫由于以背受之哀十八年傳惠王曰寢尹工尹勤先君者也寢尹蓋司王之寢處宣十二年傳沈尹將中軍杜注沈或作寢寢縣也孔穎達曰楚官多名爲尹沈或是邑名而其字或作寢哀十八年有寢尹吳由于因解寢爲縣名案定四年傳王寢盜攻以戈由于以背受之寢尹蓋司寢非邑名也沈或作寢自是邑名

春秋分記  
職官書四

薳固

薳固卽鍼尹固定此傳稱工尹蓋時居工尹之官萬氏氏族略屈固唯見史記楚世家伍子胥傳卽薳固是爲箴尹固哀十六案春秋分記高氏姓名攷竝以薳固鍼尹固爲一人是

也史誤蓮作屈

漢書人表攷

哀十叔青如京師

叔還見定十一

九叔青僖仲

世譜一作僖伯杜氏世家譜

襄吳公子慶忌

汪繩祖曰據吳越春秋云吳王前既殺王僚又憂慶忌之在鄰國又子胥曰大王圖王僚於私室之中今復欲討其子閭閻則慶忌爲僚之子高誘呂氏春秋忠廉篇注淮南內傳說山訓注並同而詮言訓注以慶忌爲僚之弟子蓋今本許慎注與高氏注羼亂故前後往往不符非自爲矛盾也愚謂傳稱公子慶忌它書並稱王子慶忌其爲僚子無疑乃杜氏譜列公子慶忌於公子黨襄十公子苦雉昭廿二王

孫彌庸哀十之後而皆以爲雜人何也

出居于艾解艾吳邑豫章有艾縣

艾城江西南昌府寧州西百里地名龍岡坪

讀史方輿紀要八十四

越國吳趙孟降於喪食楚隆目三年之喪親暱之極也主又降之無乃有故乎解趙孟襄子無恤時有父簡子之喪

鞅生王子曰桓子曰伯魯曰無恤

春秋分記世誦六

時襄子行三年之喪更復貶損其禮大約如晏嬰躉綯食闋之類

襄十七七

同盟國滅本有常數文今於喪中行之故又自降其喪食史記趙世家正義以爲降父之祭饌恐無此理

尚記經說

溺人必笑

此蓋當時之諺故舉以自喻呂氏春秋大樂篇云溺者非不

笑也高注引傳曰渴人必笑雖笑不歡尚靜齋

哀廿一公及齊侯邾子盟于顧顧齊地

顧城山東東昌府濮州范縣宋縣今改屬曹州府東南五十里詩韋顧既伐此卽夏商時顧國也

讀史方輿紀要三十四

齊閼丘息并息閼丘明之後

明子息

春秋分記世譜二

哀廿二越滅吳請使吳王居甬東并甬東越地會稽句章縣東海中洲也

案傳哀二十年越圍吳二十二年滅吳蓋首尾三年也國語下越語曰居軍三年吳師自潰越世家亦曰畱圍之三年與左傳合吳越春秋繫其事於二十一年以爲圍守一年

而滅吳誤也

讀左目  
鈔十二

甬東今浙江寧波府定海縣治案國

語作甬句東明其地在甬句之東也

越語上注今諸

越江句句章越地南

至于句無

越語上注今諸

澧有句無亭秦置句章縣在今慈谿縣西南

三十五里或謂甬東卽句無誤也

春秋傳圖

句章今浙江寧波

府慈谿鎮海二縣地海中洲卽舟山今之定海縣也縣東

三十里有翁山

讀史方輿紀要九  
十二作翁山城

一名翁洲卽春秋之甬

東

姓氏

袁世

晉荀瑤伐齊荀瑤荀躡之孫知伯襄子

蹠生三子曰徐吾無後

見昭廿八

曰瑕曰申

晉語九注知宣子  
荀躡之子申也趙

系本索隱引

瑕生荀申生瑞

春秋分譜世譜六

案晉語知宣子

將以瑞爲後知果曰不如胥也注胥宣子之庶子古胥胥

通三

國勸志劉封傳注明作齊

據此齊亦申之子與程譜不合

且齊人取我英丘

晉地

英丘廟杜氏土

案是役爲報英丘之怨傳稱戰于犁

丘犁丘在今山東濟南府臨邑縣則英丘當亦相近之地

大卦表七之三

戰于犁丘

犁丘隴也釋文濕也音習本又作隰

齊地

犁丘隴襄公

三名濟南有隰陰縣杜氏土

孔

廣武

曰濕卽潔字五經文字濕他市反經與相承

以爲潔濕之誤則自潔爲此字史漢表

志續郡國志潔陰濕陰通寫案說文有濕字無潔字自後

人以濕爲潔遂不復知潔卽

潔字盛氏補堂筆談口當作潔卽潔之省文愚矣漢賦

殘碑顯作穎魯峻碑作穎熊君碑作穎以此例之則潔乃

缺變金石文字記以從田爲誤過矣補堂又以爲從系上

田者他合切從系上田者魯水切故潔木作溫潔或作溼

潔愚未之敢信惟杜例以陽陰爲濟南縣攷潔陰屬平原晉志無此縣豈杜君時割隸濟南後省不設耶蓋陽本與潔通見襄八攷而潔與潔同字轉相通借遂致承譌實則陽不與潔通而潔亦無隙音陸氏云潔音習哀十一年同特於潔陽通用則可耳

知伯親禽顏庚齊大夫

見廿七

顏涿聚

見廿七年

梁父之大盜也學於孔子

呂氏春秋尊師篇

顏涿聚梁父之大盜也學於孔子

見廿七年

使宗人數夏獻其禮

并宗人禮官也

據雜記蒙廟饗器皆宗人職之故蒙夏卽以事爲氏

尚靜齋經說

孝惠娶於商自桓以下娶於齊無孝公稱惠公弗皇商宋也

桓公始娶文姜

問孔氏中表爲昏得無非禮乎曰朱子荅堯卿問姑舅之子爲昏云據律中不許然自仁宗之女下嫁李璋家乃是始舅之子故歐陽氏曰公私皆已通行又如魯初間與宋世爲昏後又與齊世爲昏其間皆有姑舅之子從古已然祇恐無不是孔經汾家儀答問四

閏月

哀公二十四年庚午十月閏己丑大

杜氏經傳長歷

衛侯爲靈臺于藉圃

言爲則是新造其時僭名之也

詩靈臺正義

褚師聲子穀而登席解古者見君解穀

禮凡祭於室中堂上無跣燕則有之故特牲少牢饋食自主人以至凡執事之人自迎尸以至祭末旅酬無算齋與夫尸謾餕食之節皆不說屨而尸坐亦不說屨以其侍神不敢燕惰也若夫登坐於燕飲侍坐於長者無不說屨以其盡歡致親不敢不跣也昔褚師聲子穀而登席其君載手而怒之此知說屨而不知跣也後世人臣說屨然後登堂此知致敬而不知非坐不說屨也漢魏以後朝祭皆跣穀記傳曰文王左右無結穀之士則穀有繫矣案見韓非子外諸說

左下闕漢哀帝紀中山孝王來朝賜食於前後飽起下穀係解孫子計張廷尉之疏而結連亦音計

梁天監間尚書參議案禮跣穀事由

燕坐今極恭之所莫不皆跣清廟崇嚴既絕常禮凡有履行者應皆跣韞蓋方是時有不跣韞者故議者及之

禮書十六

左傳杜注云古者見君解韞傳青主以爲此三代見君典

禮也豈有書傳塵此一見之理殆不可信於是閭百詩欲

易杜注

案尚書疏證五上及漢王制記五以見君字不確易爲古者燕飲解韞

余嘗精思而

得之小雅采菽美諸侯之來朝也曰赤芾在股邪幅在下

乃恍然於古者見君解韞者以纏邪幅於其下也不唯采

菽減袁伯曰帶裳幅屬杜云幅若今行膝與鄭箋同幅者

自足至膝纏則自脰下至足而已劉熙釋名云韞者末也

在足之末也故古者見君必解韞而後可以登席諸侯且

然盡乎百僚矣來朝且然通乎燕見矣一言以蔽之曰古

者見君解韁杜注之確爲何如或曰韁解則露足臣皆跣行殿廷可乎曰否鄭箋云邪幅如今行縢偏束其脰自足至膝故曰在下蓋幅加於足韁加於幅韁解而幅不解而惡乎跣行或曰如褚師聲子之言則一解韁而足創見是非徒跣乎曰否聲子疾在足故邪幅但及脰而止此非常儀夫幅所以昭其度臣而不度蔑視君矣故公愈怒而欲斷其足也蓋自是而可以解青主之疑釋百詩之惑矣後百詩評云解韁不解幅不磨之論曩遊閩中見賀蘭國人實如此馮景角  
春集八古人之韁大抵以皮爲之左氏傳注曰古者見君解韁既解韁則露其邪幅而人得見之采菽之詩所以爲詠今之郵民往往行縢而不韁者古人之遺制也

吳賀邵爲人美容止坐常著襪

始从衣字

希見其足

案吳志本  
書疏證引此事作傳不載尚

謝承會稽先賢傳則漢魏之世不襪而見足者多矣

日知錄二  
十八案宜二年晉侯飲趙盾酒其右提彌明趨登曰臣侍君

宴過三爵非禮也遂扶以下服氏本作遂跣以下注云趙

盾徒跣而下走此本書燕佽解轍之明文也左傳古本盡

爲杜氏所改故學者每有疑義莫能詳焉

惠氏補注六  
案文選東都賦

注引薛君韓詩韋句曰飲酒之禮下跣而上坐者謂之宴

君將設之

設嘔吐也

心惡未至於歟因設出之也

說文設字聲傳

公執其手

如

抵徒手屈肘如戟形

載其手謂舉手如戟形也罵人狀如此

于慎行設山第十四

案

詩如矢斯棘箋如人挾弓矢戟其肘義卽本此亦通作檄  
史記孫武傳救鬪者不搏檄漢書五行志中之上檄高后  
掖師古曰檄謂拘持之也水經渭水下注引作戟是也

褚師與司寇亥乘

司寇氏世本云衛靈公之子公子郢之後也郢之子孫爲  
衛司寇以官爲氏司寇亥卽其裔也通志氏族略四

奪南氏邑而奪司寇亥政

周紀集解引臣瓚曰汲冢古文謂衛將軍文子爲子南彌  
牟故左傳稱彌牟爲南氏戰國衛策稱南文子通志氏族  
略三云子南氏衛靈公之子公子郢之後蓋郢字子南也  
詳袁二  
記志疑二史酒誥曰坼父薄違農父若保宏父定辟坼父

司馬農父司徒宏父司空衛三卿官也昭二十年傳衛公  
孟紹狎齊豹奔之司寇孔穎達曰齊豹衛國之卿哀二十  
五年傳云奔司寇亥政是衛以司寇爲卿矣侯國三卿司  
徒司馬司空是也司空兼司寇之事今衛卿止見司徒哀十  
五而以司寇爲政卿非周制矣

春秋分記職官書三

其弟期大夫疾之從孫甥也期夏戌之子姊妹之孫爲從  
孫甥與孫同列

釋名云出之子曰離孫言遠離也又謂之從孫甥氏爾  
雅正義

五

公使優狡盟拳彌絳拳彌衛大夫

拳氏莘姓楚鬻拳之後衛有大夫拳彌

通志氏族略四

鄖子士請禦之無鄖子士衛大夫

鄖衛地名

莊十

必子士之食邑卽以爲氏

周氏附論

君何所不逞欲

說文引此文云楚人謂疾行爲逞

惠氏補注六

請適城鉏解近宋邑

衛地城鉏外里二名闕

外里見下杜氏土地名

孔廣栻曰哀十一

年宋有城鉏土地名亦云闕蓋在衛宋界上故兩得此名

哀廿一會越臯如舌庸

臯氏臯陶之後左傳越大夫臯如

通志氏族略四

周官有舌人國

周語中

韋注云舌人能達異方之志象胥之官也越介在

蠻夷舌庸之先蠩居是官故卽以爲氏

尚輔齋經說

乃睦於子矣

足利本乃睦於子矣下有民睦二字注今本誤作衛字爲傳文非也

山井鼎攷文

餘詳石經攷異

掘褚師定子之墓解定子褚師比之父也

孔廣栻曰世族譜祇載定子之謚攷昭廿年衛公孟繁惡褚師圃後與齊約作亂奔晉又有褚師子申有從靈公出亡之功疑定子卽子申之謚

文子使王孫齊私於臯如曰解齊衛大夫王孫賈之子昭子也

衛有王孫賈出自周頃王之後王孫賈之子自以去王室

久改爲賈孫氏

廣韻孫字達

案程譜以賈爲王孫卽之後

康叔見昭十  
二頁見定八未知孰是通志氏族略五云賈孫氏王孫賈之後以賈爲始祖此云賈之子改氏其子不當以父諱爲氏廣韻子字疑孫之謠

立悼公解悼公蒯聩庶弟公子黜也

悼公黔立五年案系本名虔史記衛系家索隱案虔與黜黔音相近故得通惜

取公孫周之子得與啟解得昭公也

韓詩外傳六賈子先醒篇言宋昭公出亡歎曰吾外內不聞吾過是以至此革心易行二年宋人迎而復之宋有兩昭公所言當是昭公得史失書蓋宋之賢君也史記志疑二十

詳文十六年葬籍攷異

靈不緩爲左師不緩子靈圉龜之後

公子圍龜見成五

四世孫不緩春秋分記世譜三

因大尹以達解大尹近官有寵者

大尹惟此一見攷戰國宋策云謂大尹曰君日長矣自知政則公無事高誘注大尹宋卿也蓋自景公大尹專政以後居然列於卿官非舊制也或曰太宰自襄十七年後不復見傳疑省太宰而設之周氏附論

公遊于空澤解宋邑

水經發水注獲水東南逕空桐澤北澤在虞城東南左傳公遊于空澤卽此然則空澤者空桐之澤也惠氏補注六

秦公自空桐入吳染國虞縣東南有地名空桐

今河南歸德府虞城縣空桐澤有空桐亭

大事表  
七之二

使祝爲載書

周禮詛祝作盟詛之載辭

惠氏補  
注六

六子在唐孟解地名

僖二十一年會于孟杜注宋地哀二十六年大尹將盟六  
子于唐孟卽此今睢州有孟亭

春秋地名  
攷略十

門尹得解樂得

得豫七世孫

豫見文七  
春秋分記世譜三

衛出公自城鉏

案朱子注孟子疑衛孝公卽出公輒攷輒在位前後凡二  
十年不應無謚孝公當是出公而謂之孝者殆反言之與

孫莊子

孫莊子級武公三世孫

杜氏世族譜

詳文元年

袁廿七七且言邾田封于駘上駘欲使魯還邾田封竟至駘上

襄四年狐駘駘上二名魯國番縣東南有目駘亭

杜氏土地名

詳襄傳

盟于平陽解西平陽正義土地名云宣八年平陽東平陽也  
案考文足利本彼注云今四字作東平陽也與今本十地名合今注疏本並譌作彼注云今四字泰山有平陽縣此年平陽西平陽也高平有南平陽縣

西平陽在今山東兗州府鄒縣西南方輿紀要及高氏地名攷略俱并入宣八年之平陽誤矣

大事表六下

齊召南曰唐

時無高平郡疏蓋言晉時地也南平陽三字縣名至北齊始省

左傳  
考證

案晉書志平陽郡統平陽縣卽西平陽也高

平國統南平陽乃侯國之屬縣不稱郡也

言及子贛

足利本此下有思子贛三字注宋板永懷堂同今本皆脫

山井鼎  
考文

鄭駟弘請救于齊

駟歌見定八

知伯伐鄭駟桓子如齊求救

史記六  
國年表  
杜氏  
世族

案二年傳子般注云駟弘五年傳子思注云子思子

產子國參也七年經書鄭駟弘帥師救曹傳云宋人圍曹

鄭因桓子思之言故救曹注云桓謐世族譜亦云國參子

思桓子此年傳駟弘請救于齊子思同往杜特注云子思國參亦恐後人誤爲一人耳史公因兩傳駟弘與桓子思子思並列遂誤爲一人又今本世族譜適衍子思二字後人竟以桓子思爲駟弘矣余近假得曲阜孔氏所鈔杜譜無子思二字當爲定本

齊師將興陳成子屬孔子三日朝設乘車兩馬繫五邑焉召顏涿聚之子晉曰隰之役而父死焉以國之多難未女恤也今君命女以是邑也服車而朝母廢前勞

邦饗者老孤子則掌其割亨之事周禮天官公卿云邦饗者老者謂死事者之父祖兼有國老庶老云孤子者謂死王事者之子謂若左氏哀公二十三年晉知伯親禽顏庚至二十

七年齊師將興陳成子屬孔子三日朝設乘車兩馬繫五

邑焉召顏庚之子而賜之是其禮孔子之法又疏此事在夏

四月己亥後秋八月甲戌前據禮春饗孤子秋食耆老熊氏云饗孤子亦饗耆老食耆老亦食孤子然此特因興師舉行曠典以勵厲將士不必循舊制也尚靜齋經說

及畱舒解畱舒齊地

今山東東阿縣

案縣屬泰安府

西南有畱舒城

案大事表云與東平州接壤

口講

六十四  
春秋解義

及濮解濮水在陳畱酸棗縣傍河東北經濟陰至高平八濟

案土地名至高平鉅野縣八濟

定八年經衛侯鄭伯盟于曲濮注衛地濮渠首受濟水東

流至祭城分爲二瀆北濮出焉又東逕須城北詩云思須  
與漕者也又北迤邐而東入乘氏縣由鉅野以入濟曲濮  
爲濮水曲折處在今山東曹州府濮州境大事表八下孔廣  
栻曰隱四年濮乃陳地水名昭九年濮夷地卽文十六年  
之百濮也

成子衣製杖戈解製雨衣也

草雨衣一日蓑衣說文一下左傳齊師遇雨陳成子衣製杖戈  
注云製雨衣製與草衣相近革字繫傳

公游于陵阪

魯地陵阪杜氏土地名孔廣栻曰黃帝陵在曲阜城東北  
少皞陵在黃帝陵東相傳陵阪卽其地

公如公孫有陘氏解有陘氏卽有山氏

魯有公山氏

公山不狃見定五

又有公孫有山氏見哀十三

杜注公孫

有山魯大夫或稱公孫有陘氏當是大夫之名若字如伯子同氏公孫段氏之類成十八昭元氏猶家本宣十  
一正義非以四字爲氏也史記單稱陘氏省文耳

萬氏氏族略

因孫於邾乃遂如越

今蘇州西南三十五里橫山南有魯都村村內有城哀公

居之

杜氏土地名盟會圖疏

悼之四年解悼公哀公之子寧也哀公出孫魯人立悼公

汪繩祖曰據魯世家哀公廿七年年表同長歷哀公元年丁未終廿七年癸酉又據世家悼公在位卅七年當是元

甲戌終庚戌四年爲丁丑也乃世家集解引皇甫謐云哀  
公元甲辰終庚午數之亦得廿七年攷長歷甲辰乃定公  
十三年哀公何得卽位此由士安誤讀傳文哀公廿四年  
庚午閏月公如越遂以爲遜越不歸卽爲悼公卽位之年  
故集解又引謐云悼公四十年元辛未終庚戌逆推之因  
取定公之三十四十五年屬諸哀公卽以哀公之廿五  
廿六廿七年加於悼公成四十年並謬甚

則可行也

足利本此下有行去也三字注宋板永懷堂同

山井縣考文

案岳本有此注文今本作行去聲混入釋文無此音例乃  
轉寫之誤

對曰以能忍恥庶無害趙宗乎

趙襄子曰以能忍恥庶無害趙宗平說苑談叢云能忍恥者安能忍辱者存呂居仁謂忍詬二字古之格言學者可以詳思而致力

因學紀聞六嚴氏與有道從子預書云杜有道妻

云忍辱至公

知伯貪而慢故韓魏反而喪之解史記晉懿公之四年魯悼公之十四年知伯帥韓魏圍趙襄子於晉陽韓魏反與趙氏謀殺知伯於晉陽之下在春秋後二十七年

張溥曰或問左氏終智伯通鑑始知伯通鑑所以接左傳者豈無說乎曰一以示興亡之戒一以著周秦之端晉陽之守趙以仁興決水之禍智以驕滅此興亡之戒也晉分則秦彊秦彊則周亡此周秦之端也

潛丘劄記二

補釋廿二

杭州愛日軒陸貞一董秉

左通補釋後案

右補釋三十二卷錢塘梁處素先生著令似祖恩校刊先生  
邃於左氏學久之成書六種命曰左通此其第一種也文翰  
謹案補釋卷首有小敘準此例推知不復有總敘全編義例  
無所發明要知體大思精言不盡意敘者敘所以著述之由  
故古人一書不兩敘是書區分六門已如指掌各弁小敘益  
覺簡明而辭句所及卽文見道不啻在在提要發凡無庸總  
敘卽亦不須凡例況經生意上下古今有不能自言者在  
讀者心領神會得之言外而已此先生著書之程式也自宋  
學唱明體用之說最爲精確蓋用從體出體在用中性道旣  
爾文章何獨不然故一切雅俗文字必先辨其體裁是編分

門別類僕耳食者或溷入類書則謬誤殊甚唐類函類聚宋  
類賦之屬流傳至今者不過十數種實多佚典舊聞捨此何  
足珍貴故著述家以類書爲最劣而亦最難良以信手拾拾  
稗販割裂人盡可爲而元本無由細追舛漏不能自保則亦  
復難也春秋文數萬旨數千加以三十卷之傳何從分類治  
經者將欲齊其所不類而姑與類其所不齊時而萬卷全披  
時而不著一字在子貢爲多識在夫子爲一貫貫之爲言通  
不得言類也此先生著書之體裁也古人名其說經之書或  
曰故或曰微或曰通乃字書於通字注云白虎通班彪著風  
俗通應劭著不知白虎通本名白虎通德論亦名通義風俗通本  
名風俗通義世俗每趨簡便割取一字呼之如三通之類失

其名並沒其實矣先生有見於通必先立乎其大且未嘗預存一通之名乃克終副乎通之實文成而法立實至而名歸者也昔劉子奮筆以成見著書直命曰史通先生書成亦命曰左通不相襲亦不相避可云創亦可云因要之二書均於名實無負然而史通之學猶從其易左通之學較爲其難矣此先生著書之名實也大旨如斯微妙安在以意逆志厥有三端一曰尊經之意宏以深夫經者常也本之日用尋常制心制事而推之以飭吏治擴之以治天下孔子乃百世經師而自云志在春秋斯百世而下當有春秋之學卽當先明讀春秋之法春秋史也孔子修之經也知其事其文其義之一貫則微言不絕知所見所聞所傳聞之異辭而達例亦不無

矣然則三傳遞作自不可偏廢更不容偏重乃史通云漢代  
學者惟讀二傳而由知幾而上以溯至賈逵劉歆數十名儒  
則又競推左氏於是三家之徒以意自爲出入又復互相軒  
輊歧見起而爭端萌而經業荒焉竊謂經與傳相因而起義  
經與史相對而成文合之爲萬古之公言分之未始不自爲  
一書以名一家之學觀於先生之治經而益憬然而後乃知  
先生非必專於左氏而有不得不先於左氏且不必不先於  
左氏也者況傳中所囊括者朝聘會盟征伐等文不謬於是  
非褒貶予奔泐懲之大義所表暴者胥臣子產南史董狐左  
史倚相諸子不遺於多能博物讀書作史之良材宜乎先生  
以宏通之識專壹之力畢萃於一書以彰受經之託明讀史

之法探致治之原壹何宏以深也一曰道古之心平以允今  
夫絕學寡鄰道固降於創始羣言淆聽業每壞於苟同先生  
之於衆說蓋服膺之深而歎惜極其至矣謂賈服馬融數子  
間存單文張洽趙汸二君第詳書法然非有所偏袒故亦並不摸棱是以詳者略之略者詳之勦襲者乙之未備者廣之  
見小敘  
古注輯存雖富惟合者錄補釋第一專家詮釋或疏有證者駁駁證  
第三攷異則旁蒐及石經羣籍之多攷異第二廣傳則取材在國語公穀而外廣傳第四以及風謠卦繇古音第五別解軼聞肥說第六不黨不爭靡遺靡溫方將嫓學官之建立而匪覬中壘之虛名進藥石於方家而實爲征南之諍友者也信乎平且允也一曰讀書之才精而博夫博學而詳說之將以反說約也賈君

稱左氏博總羣書如先生者其的派乎顧前賢有云他人著書惟恐不出於己某著書惟恐不出於人斯言又實獲先生之心者左通徵引各書隻義片詞必舉根據所自始部居篇目皆有端委之可尋惑者將謂弋獵現成可以逸獲是大不然夫觀書未徧不可妄下雖黃然欲徧觀談何容易邵康節以經史子集爲日課柰編長晷短只得約限十年王益柔讀資治通鑑能一周將日眩神疲退云徧探四部山前之說未免空談山後之說亦無質濟惡在其博且詳也先生資稟夙成故讀經極熟推之羣籍因亦彌記不忘熟則精如肉貫卯精乃博如川灌河無所不觀無所不通成誦在脣借書於手縱復宋太平之巨部宛取宮中極之梁僧佑之冷編且包方

外巧力所莫及造化生乎心是真精而博也伏惟

昭代稽古右文四庫宏開名流相望維時戚黨尊屬中性情  
學術極相似者曰三先生先生著左通同產兄梁曜北先生  
著史記志疑三十六卷曲阜孔算軒先生著大戴禮記補注  
十四卷公羊經傳通義十二卷大雅爲羣極一時之盛猶記  
乾隆乙未冬先生東遊寓於闕里甥館文翰適至是爲謁晤  
之始隅坐隨行飫承提命徂春方告別嗣是雖頻晉接而未  
遑晨夕趨陪念長者玉粹春溫莫能名狀殆與廟堂禮器同  
其仰止於無窮焉爾今也幸及竭炳燭之微明窺名山之鴻  
業不揆檮昧妄綴蕪言庶以質同志矣方來云

道光六年冬十月望日歛後學姍家子朱文翰謹識



曾唯案

先生諱履繩字處素號夬庵相國文莊公孫乾隆

戊申舉人

先大母卽

先生女也梁氏家法最嚴故文莊

父子功名赫然而後人皆能砥礪讀書不異寒畯

先生尤

銳意左氏傳有臣有左傳癖小印著左通一書分六門曰廣傳曰考異曰補釋曰駁證曰古音曰臆說錢竹汀詹事歎爲

絕詣中年徂謝全書未竣僅補釋三十二卷采摭闇通其功

已竟哲嗣

久竹先生出宰宜興寓書

先世父命刊于振

綺堂振綺堂余家藏書處也自明季遷杭至嘉慶初積板六十餘種悉燬于火嗣又刊三十餘種咸豐末再毀于寇同治甲子春今湘陰左相國克復杭州余自鄂州歸收拾燼餘得十有餘種然皆散佚不完里居三年先後補鐫是書殘缺尤

多戊辰秋重之鄂州未暇及此吳縣潘嫻丈介繁謂是書博采羣籍考證精敷洵如後案所云尊經道古讀書三者咸備其衣被後學也不淺助余校勘以還舊觀刊成謹識顛末于後光緒元年乙亥秋九月錢塘汪曾唯